



Hortulus Biblico-Moralis Et Asceticus

Pappus von Tratzberg, Franz

Ulm, 1725

Doctrina 1. Desumpta ex cap. 1. & 2. Prophetæ Danielis, in queis
describitur assumptio Danielis & Sociorum in Ministerium Regis, eorum
sobrietas & abstinentia. Somnium de statua Nabuchodonosoris, ...

[urn:nbn:de:hbz:466:1-61252](#)

gnus & Arrham æternæ Beatitudinis, quasi alludens ad verba Christi, quibus homines pacificos vocat filios Dei, nullâ aliâ hæreditate, nisi ipsa cœlesti gloriâ dignos: Beati pacifici, quoniam Filii Dei vocabuntur. Hæc verba profundissimè suo pectori infixerant SS. Martyres Marcus & Marcellianus: & hinc stipitibus à Tyranno alligati, Psalmum cantare auditi sunt: Ecce! quam bonum & quam jucundum, habitare fratres in unum. Hæc verba tu quoque Christiane Lector pectori tuo inscribe, & in extremo Judicio Deus pacis arida tua offere vivificabit, ut unanimi Electorum choro tu quoque animâ & corpore unitus, æternum fru-
ris aspectu Illius, qui vocatur Princeps Pacis.



FASCICULUS LXIV.

Doctrinarum Moralium & Asceticarum.

Doctrina I.

*Desumpta ex cap. 1. & 2. Prophetæ Danielis, in queis describitur assumptio Danielis & Sociorum in Ministerium Regis, eorum sobrietas & abstinen-
tia. Somnium de statua Nabuchodonosoris, explicatum à Daniele.*

N.404. Considera: **S**i Rex terrenus pati noluerit alios Ephebos suo in ser-
vitio, quam tales, qui omnî carebant maculâ: quan-
tam puritatem requirat Rex æternus in suis Ministris,
quos constat, non tantum ad inferendas dapes, aut infundenda vina:
sed ad ipsum Domini corpus tractandum ab illo assumi. Olim tan-
tam munditiem à Ministris, ad Panes & Incensum tantum deputatis,
voluit coli Deus, ut Levit. 21. imperârit: Sancti erunt Deo suo, & non
polluent Nomen ejus &c. Si hoc in arido, quid requiretur in viridi? si in
umbra, quid in luce? experientia probat: in qualibet re eò plus pu-
ritatis exigi, quô propius suo conjungitur Principio: hinc eò purio-
res oportet esse Angelos, quô propius accedunt Deum, & à corpore
labe recedunt: eò puriores decet esse aquas, quo fonti suo propin-
quiores fluunt. Quid ergo aliud ad nostrum sequitur propositum .
quam

quām in Sacerdotibus Dei Eucharistici primis Ministris summam
exigi puritatem animi , utpote suo Domino proximè conjunctis.
Tantum interesse debet, ait S. Isido. Pelus. lib. 2. Epist. 205. inter Sacerdo-
tem & quemlibet virum probum, quantum inter Cœlum & terram discriminis est.
& S. Angust, in cap. 11. Isaiae exclamat : ò Sacerdotes ! si anima cujuslibet
Justi est Sedes Dei, multò magis Sedes & Templum Dei vos esse debetis mun-
dum & immaculatum. Hæc puritas in Sacerdotibus requisita tam ma-
gnūm horrorem purissimo incusit Francisco Seraphico , ut licet vi-
deretur cum Angelis de puritate certare, indignum tamen se credi-
derit tanto officio Ministru. Petrus Blessensis à magna etiam pu-
ritate animi celeberrimus vir, Epist. 23. de se profitetur : Tanti Sacra-
menti Majestate deterritus, sufficientiam sanctitatis, quam ille gradus exigit , meti-
culosus allego. Quin imò admirandæ sanctitatis Episcopus S. Paulinus
Nolanus, quasi vī ad tremendum hoc Ministerium raptus , quoties-
cunque se ad arcana Cœli penetralia admissum, adeoque Deo vici-
num consideraverat, totiès inhorruit, ingemiscens Epist. 6. ad Sever.
in arcanis & penetralibus Dei summi receptum me video , & insertum commu-
nicare coelestia ac Deo propriū admotum, in Spiritu Christi & corpore & splendo-
re versari. Vix adhuc intellectum sacra molis capio mentis angustiis, & onus mu-
neris mei conscius infirmitatis horresco . S. Mater Ecclesia , ut Sacerdotes
doceat, quantā puritate eos deceat fulgere , jubet in Missa extremos
tantū digitos ablui sub præscriptis precibus : Lavabo inter innocentes
manus meas. Quasi verò ipsi innocentiae, per gratiam divinam obtentæ,
non tanta insit puritas, quā majorem non oporteat deferre ad pu-
rissimum hoc Mysterium ! ò Christiane Sacerdos ! vide nunc , quā
nitez animi puritate, tuō functurus officiō ? ò quot sunt venalium
saltem culparum maculae in tua anima reperiendæ ? quantā ergo te-
meritate Altare accedis, & tuum tractas Dominum ? repones forsan:
à modico corpore nonnisi modicam fieri umbram, & exigua quan-
titate luti parum puritatis obtegi. At quis nescit: parvulam eclypsim
plus notari in sole, quām integræ stellæ penitus extinetum lumen ?
minima, quæ reperitur in regia veste macula , plus fœditatis habet,
quām millenīs sordibūs obsitus pauperum multorum pannus. Acutè
observat S. Ambros. lib. 11. Epist. 76. quòd muliere adulterā à Sa-
cerdotibus apud Christum delatā, Ipse scribens in terra (etsi Exange-
listæ Scripturam non exprimant) videatur tamen alia non scripsisse,
quām hæc verha : Festucam in oculo fratris tui vides, irabem autem , quæ in

Y y y 3

tuo

tuo est, non vides. Proinde voluisse Sacerdotibus indicare : peccata hominum Mundo servientium, et si gravia sint, festucas tamen dici posse, si comparentur cum delictis Sacerdotum Ministrorum Dei. **Zachariæ 2.** profitetur Deus, de Sacerdotibus suis loquens : *quit tetigerit vos, tangit pupillam oculi mei.* Quô positô, & suppositô necesse est sequi: etiam levissimum delictum à Sacerdote commissum ad æquare, aut transgredi peccatum grave sacerdotalis personæ : constat enim minimum etiam pulvisculum aut luti glebulam plus officere pupilla oculi, quam magna quantitas luti officiat corpori hominis. Hec omnia piò maternæ curæ & sollicitudinis oculò intuens Ecclesia, in ipsa etiam collatione primæ tonsuræ Orat ad Sponsum suum: *presta quæsumus omnipotens Deus, ut hi famuli tui, quorum hodiè comas capitum pro amore divino deposuimus, in tua directione perpetuo maneant, & eos sine macula in sempiternum custodias.* Inter omnia autem ad obtinendam & conservandam in Sacerdote puritatem, non postremum dixeris, remedium esse moderatam in cibo & potu abstinentiam, *Danielis & sociorum eius exemplò* hîc probatam, quos constat eò pulchriores & puriores evasisse, quô fuerint abstinentia magis dediti. Est quidem nonnullos Sacerdotes reperire, qui instar statuæ Nabuchodonosoris (cujus figuram describit citatum caput 2.) olim caput aureum defebant, pectus & brachia argentea, dum primò Sacerdotii sui tempore nitebant divinæ charitatis & innocentiae puritate. Erat ipsis venter ferreus, & tibiæ æreæ, dum ad omnes carnalium tentationum impetus instat ferri & æris se probaverant inflexibles. Verum proh dolor ! in maturiori ætate ob ipsam cibo & potu immoderantiam eò jam devenere, ut parvulus etiam tentationis lapillus eorum pedes frictiles comminuat, prosternens quidquid de auro & argento nitebat in illis, utique hos inter non eris Lector Christiane ?

Doctrina 2.

Desumpta ex cap. 3. lib. Prophetæ Danielis, in quo describitur Ananie & sociorum ejus constantia, supplicium, mira conservatio & canticum.

Non tantum corpora trium puerorum, quæ regius færor tradiderat voraci flammæ, intra parvum temporis spatium consumenda, Divinitus mansisse illæsa, sed nec eorum vesti-